

Broj: 03-04-1204-1/2024
Sarajevo, 24.07.2024. godine

PARLAMENT FEDERACIJE BOSNE I HERCEGOVINE

Predstavnički dom

gosp. Amir Ibrović, poslanik
gosp. Ivan Miličević, sekretar

Bosna i Hercegovine
Federacija Bosne i Hercegovine
**PARLAMENT FEDERACIJE
SARAJEVO**

Primljeno: 26.07.2024			
Org. jed.	Broj	Priloga	Vrijednost
05/1	-02-	348	/24

Predmet: Odgovor na poslaničko pitanje

Poštovani,

U skladu sa odredbama člana 75. Poslovnika o radu Vlade Federacije Bosne i Hercegovine - Prečišćeni tekst ("Službene novine Federacije BiH", br. 6/10, 37/10, 62/10, 39/20 i 67/21), a u vezi sa članom 116. Poslovnika Predstavničkog doma Parlamenta Federacije Bosne i Hercegovine ("Službene novine Federacije BiH", br. 69/07, 2/08, 26/20 i 13/24), u prilogu Vam dostavljam akt Federalnog ministarstva prostornog uređenja, broj: 02-02-4-663/24-2 od 22.07.2024. godine, koji sadrži odgovor na poslaničko pitanje, koje je postavio poslanik Amir Ibrović.

S poštovanjem,


SEKRETAR VLADE
dr. sci. Edita Kalajdžić

Prilog: kao u tekstu

Broj: 02-02-4-663/24 - ✓
Sarajevo, 22.07.2024.godine

BOSNA I HERCEGOVINA
FEDERACIJA BOSNE I HERCEGOVINE
VLADA

n/r gđe. Edite Kalajdžić, dr.sci., Sekretarka Vlade FBiH

BOSNA I HERCEGOVINA
FEDERACIJA BOSNE I HERCEGOVINE
VLADA
Sarajevo

PRIMLJENO: 24.07.2024			
Organizaciona jedinica	Klasifikaciona oznaka	Redni broj	Broj prijave
03-04	-	1204-1	1/2024

Predmet: Poslaničko pitanje, dostavlja se
Veza Vaš akt br. 03-04-1204-1/2024 od 02.07.2024. godine

Poštovana,
u vezi sa vašim aktom, broj i datum naprijed navedeni, dostavljamo Vam odgovor na zastupničko pitanje koje je, na 12. redovnoj sjednici Predstavničkog doma Parlamenta Federacije BiH, održanoj 26.06.2024. godine, postavio Amir Ibrović, poslanik u Predstavničkom domu Parlamenta Federacije Bosne i Hercegovine.

Pitanje:

„Zbog čega niste ispoštovali Odluku ovog Parlamenta o pristupanju izradi Regulacionog plana historijskog urbanog krajolika Mostara ("Službene novine Federacije BiH", broj: 92/21), i zašto Ministarstvo prostornog uređenja Federacije BiH, kao nosilac pripreme za izradu regulacionog plana, nije izvršilo izbor nosioca izrade, a rok je bio 18. mjeseci“.

Odgovor:

Federalno ministarstvo prostornog uređenja je, na osnovu Odluke o pristupanju izradi Regulacionog plana historijskog urbanog krajolika Mostar ("Službene novine Federacije BiH", broj: 92/21), od 17.11.2021. godine, kao Nosilac pripreme za izradu plana, postupajući u skladu sa članom 26. Zakona o prostornom planiranju i korištenju zemljišta na nivou Federacije BiH ("Službene novine Federacije BiH", br. 2/06, 72/07, 32/08, 4/10, 13/10, 45/10, 85/21 i 92/21) i Zakonom o javnim nabavkama BiH ("Službeni glasnik BiH" broj: 39/14), sa raspoloživim finansijskim sredstvima u Budžetu za 2022. godinu, pokrenulo postupak izbora nosioca izrade Regulacionog plana historijskog urbanog krajolika Mostara.

Ministarstvo je u 2022. godini dva puta raspisalo tender za izbor nosioca izrade Regulacionog plana historijskog urbanog krajolika Mostara i oba puta moralo poništiti tender zbog izjavljene žalbe na tender dokumentaciju, prihvaćene od strane Ureda za razmatranje žalbi.

Napominjemo da je osnova žalbe bila mala procjenjena vrijednost javne nabavke (limitirano raspoloživim budžetskim sredstvima) i da je žalba izjavljena od žalitelja koji nije upisan u registar pravnih subjekata koji se mogu baviti poslovima izrade prostorno planskih dokumenata, kako u Bosni i Hercegovini tako ni u drugoj državi.

Stupanjem na snagu izmjena i dopuna Zakona o javnim nabavkama BiH ("Službeni glasnik BiH" br. 39/14 i 59/2022) propisano je, da prije pokretanja postupka javne nabavke, ugovorni organ sprovodi provjeru tržišta u svrhu pripreme nabavke.

Postupajući u skladu sa navedenom odredbom Ministarstvo je, u 2023. godini izvršilo provjeru tržišta, te na osnovu rezultata provjere, pored raspoloživih budžetskih sredstava, zatražilo, rebalansom budžeta, dodatna sredstva. Kako potrebna finansijska sredstva nisu bila obezbjeđena, Ministarstvo nije provelo postupak izbora nosioca izrade predmetnog Regulacionog plana u 2023. godini.

Obezbjeđenjem sredstava, u Budžetu za 2024. godinu, ovo ministarstvo je provelo javnu nabavku Izbora nosioca izrade Regulacionog plana historijskog urbanog krajolika Mostara i dana 14.03.2024. godine potpisalo Ugovor za njegovu izradu.

Potpisivanjem Ugovora, u skladu sa Tačkom V. Odluke o pristupanju izradi, počinje teći rok, od 18 mjeseci, za izradu plana, odnosno izrada prve faze Urbanističke osnove čija je izrada u toku.

Posebno napominjemo da u skladu sa Tačkom V. Odluke o pristupanju izradi u rok ne ulazi vrijeme potrebno za pregled regulacionog plana od strane nosioca pripreme, utvrđivanje od strane Vlade Federacije BiH i usvajanje plana u parlamentarnoj proceduri.

U svom pitanju, zastupnik Amir Ibrović iznosi niz proizvoljnih i neutemeljenih konstatacija, te postavlja sljedeće **Pitanje:**

„Zašto ministarstvo, ovakvim postupanjem, jasno spriječava bilo kakvu izgradnju, pa čak i obnovu i rehabilitaciju ruševina u „istočnom“ dijelu Mostara.“


Odgovor:

Komisija za očuvanje nacionalnih spomenika BiH, donijela odluku o proglašenju nacionalnim spomenikom Bosne i Hercegovine Historijskog urbani krajolik Mostara („Službeni glasnik BiH“, broj 66/19 i 4/20), u procesu revalorizacije i uspostave novih mjera zaštite, kao i izmjene predmeta pravne zaštite, (izmijenjena ranija odluka za Historijsko gradsko područje Mostar). Na predmetno područje se prvenstveno primjenjuju odredbe Zakona o provedbi odluka Komisije za zaštitu nacionalnih spomenika, uspostavljene u skladu sa Aneksom 8. Općeg okvirnog sporazuma za mir u Bosni i Hercegovini ("Službene novine Federacije BiH", br. 2/02, 27/02, 6/04 i 51/07).

Historijski urbani krajolik Mostara, također pripada prostoru jedinstvene univerzalne vrijednosti od svjetskog značaja, koji je upisan na Listu svjetske baštine UNESCO-a, 2005. godine, pod nazivom „Područje Starog mosta starog grada Mostara“, te se na njega također primjenjuju najstrožije mjere zaštite u skladu s odredbama ratificirane Konvencije o zaštiti svjetske kulturne i prirodne baštine (Pariz, 1972. godine).

Ističemo da u periodu od donošenja prvobitne odluke za Historijsko gradsko područje Mostara, ("Službeni glasnik BiH", br. 06/05, 75/08 i 48/13), nikada nije dovedena u pitanje provedba gore navedenog Zakona kojega je 2002. godine inicirao Ured Visokog predstavnika u BiH (Visoki predstavnik Wolfgang Petritsch), u svrhu provedbe Aneksa 8 Općeg okvirnog sporazuma za mir u Bosni i Hercegovini (Dejtonski sporazum) i čiji se usaglašen tekst primjenjuje se u sve tri administrativne jedinice u Bosni i Hercegovini: Federaciji Bosne i Hercegovine, Republici Srpskoj i Brčko distriktu. Ovo se odnosi kako na lijevu, tako i desnu obalu rijeke Neretve.

Primjera radi, i pored toga što za područje Historijskog urbanog krajolika Mostara, u proteklom periodu nije bio donešen Regulacioni plan, dana 16. 1. 2020. godine, federalno ministarstvo prostornog uređenja izdalo je odobrenje za gađenje u svrhu izvođenja radova rehabilitacije ratom devastiranog stambenog objekta »Vlahina kuća« u Mostaru, u ulici Bajatova 1 u Mostaru (»istočni« Mostar), a čija obnova je u toku.



Dostaviti:

1. Naslovu,
2. Evidenciji,
3. Arhivi.